

SAOGALEMU MAI MAFUIE MO *fanau laiti*




plunket
whānau āwhina

FIX. FASTEN.
DON'T FORGET.

Toka
Tū Ake
EQC



Mafuie *Niu Sila*

E lei faaigoa fua Aotearoa Niu Sila o le 'atumotu galulu gofie.'
Pe a ma le **150 mafuie** e lulu ma faalogoina le malosi e tagata i
tausaga taitasi.

E itiiti lava tulaga tatou te aafia ai mai le tele o mafuie, peitai
ua faailoa mai le talaaga lata mai o le atunuu le mau mafuie
na matuai malepe ai meatotino ma faamanualia ai tagata.

E le o lilo i manatu le toe lulu o se mafuie, ma e le o mailoa
tonu le aso po o le nofoaga e tupu ai. Pau le mea ua matou
iloa, e fesoasoani lou nofo sauniuni i le taimi nei e puipuia ai
lou fale ma lou aiga.

E vave ma faigofie faiga e saogalemu lelei ai le potu o lau tama mai mafuie

E mafai na lavea tamaiti mai mea ua palalasi ifo a o lulu se mafuie, ma e moomia na tatou faia tulaga e saogalemu ai nofoaga o ola ma nonofo ai le fanau. O nisi nei o laasaga taua e saogalemu lelei ai le potu a lau tama.

- Faaoga manoa uamea po o fusi e **faamaumau ai meafale maualuluga ma mamafa** i le puipui. Susue le itulau e te iloa ai le faiga e fai ai.
- Aua le faataatia le **moega pepe, po o le moega i autafa o le faamalama**—e sili ai le lago i le puipui e va ai potu
- Faatautau ata po o le faatu fata i se mea e le o lata i le moega e moe ai pepe** e leai ai ma se mea e palasi ifo i ona luga.
- Vaai po o tautau lelei ata po o faata i totonu o le potu **ma sa'o fao o faatautau ai** (e le na o le tasi le fao o tautau ai).
- Avese soo se mea mamafa na teu i le pito i luga o fata** ma faataatia i se mea maualalo e malu lelei ai.
- Afai e iai vae o le moega pepe po o le moega e mafai na tulei ai **vaai po o loka lelei vae** e lē lue ai le moega pepe po o le moega a o lulu se mafuie.




Faamaumau lelei meafale maualuga ma mamafa

E mafai na palasi ifo meafale e pei o pusatoso ma fatatusi a o lulu se mafuie (po o le tau pe'a ai o le tamaitiiti pei o se apefai). O le mea e lelei ai e leai ma se faigata o le tau faatulaga o le saogalemu o mea nei.

Afai e te nofo mautotogi, e tatau i lē ona le fale ona faataga oe e faamau lelei meafale maualuga ma mamafa e saogalemu ai. Ae tatau na e talanoa muamua i ai.

Faiga e faamaumau lelei ai meafale maualuga ma mamafa

1. Faailoga le puipui i se penitala e iloa ai le pito i luga e tau ai le meafale, ona tulei ese lea o le meafale mai le puipui.
2. Tātā lemu puipui e iloa ai laupapa malo e mafai na tu'itu'i i fao. E mafai na e faaaoga se metotia e iloa ai laupapa malo o puipui.
3. Faaaoga fao e 63mm 12mm le lautelē e faamau ai manoa uamea i le puipui. A e manao e pupuni manoa uamea, faaū i luga pei o le mataitusi o le L, e faasaga ai i lalo le lima o le uamea manoa mai le puipui.
4. Tulei le meafale ia lago lelei i le puipui.
5. Tu'i le isi itu o le manoa uamea i le pito i lalo o le meafale i fao e 15-25mm le lautele.



FAUTUAGA

Afai e te le manao e tu'i se fao i se meafale, e maua mea e faapipii ai mai faleoloa faufale po o le initaneti. Vaai po o fetui lelei le manoa uamea po o fusi ma le meafale lena o tau faamaumau.

Saogalemu totonu atoa o lou fale

A uma loa au galuega na fai mo le saogalemu o le potu a si au tama, faasolo lau vaai i isi mea i totonu o le fale e ono afaina ai.

O se tulaga lelei tele le faamaumau o meafale maualuga ma mamafa ma masini tetele e faaalu i le eletise. Faasolo i fatatusi, kapoti, TV ma masini tetele e faaalu i le eletise. E le na o tamaiti e malu ai pe a faamaumau lelei kapoti ma pusatoso, e taofiofi ai foi ma le fesiitai o meafale pe a lulu se mafuie.

E tele mea e te gafatia e atili puipuia ai lou fale ma e aogā au taumafaiga uma auā le malupuipua o lou aiga.



Tagai i faiga e te gafatia auā le saogalemu o lou fale ma le puipuia o lou aiga i le [eqc.govt.nz/be-prepared](https://www.eqc.govt.nz/be-prepared)

Puipui lau pepe po o lau tama a o lulu se *mafuie*

Afai o lua iai faatasi ma si au tama a o lulu se mafuie, tago e opo atu i lou fatafata ma lua **Faapau, Ufiufi ma Pipii**—i lalo o se meafale malo ma malosi. E faigofie lava mo fanau iti e lei iloa na totolo, ae e mafai foi mo tamaiti ua matutua teisi pe a e punou i luga ae o ia ma taofi ia aua le minoi. Manatua e ufiufi lou ua ma le ulu ma e le o poloka le mānava o pepe.

Tausiga o pepe a o tupu se faalavelave *faafuasei*

E moomia e pepe tausiga faapitoa ma le vaai lelei i taimi o tupu ai se faalavelave faafuasei. E ono tapunia auala ma faleoloa mo aso e tolu pe sili atu ma e moomia le lava o mea e moomia mo pepe. Tapena mo tulaga nei:

- napekini e mafai na tiai
- mea e solo mamā ai pepe
- vailaau fufulu mamā ai lima o gaosia i le ava malosi
- taga lapisi mo napekini palapalā
- soo se fualaau po o kulimi e moomia mo pepe
- totini lima e mafai na tiai
- lavalava faaleoleo, se palanikeke po o se meataalo faapitoa
- susu pauta ma suavai mamā (tagai i le isi itulau mo nisi faamatalaga)

Ia mautinoa o lava mea e moomia mo lau tama i le ato e te vave alu ese ma ave, i moomia na e alu ese loa ma le fale. Afai e masani na nofo lau tama i isi o le aiga po o tagata o tausia o ia, vaai po o lava mea e moomia i nofoaga nei.

O faamatalaga o tusia i le itulau lenei o faamatalaga mai le National Emergency Management Agency. Mo nisi fautuaga i auala e nofo sauni ai ma taulimaina ai tulaga faafuasei tagai i le **[getready.govt.nz](https://www.getready.govt.nz)**

Fafagaina o pepe i vaitaimi o se faalavelave faafuasei

Ua saunia e le Matagaluega o Soifua Maloloina | Manatū Hauora fautuaga i auala e fafaga ai pepe i vaitaimi o faalavelave faafuasei.

E saogalemu le suasusu e fafaga ai pepe i vaitaimi o faalavelave faafuasei ma e puipuia ai pepe mai le popole ma faamai. Ia manatua foi e sa'o lelei le tala lea 'A vaai lelei le tina ua malosi lelei foi ma pepe' ma e lelei le lava o lou malosi ma lava lelei le 'ai ma le inu.

Afai o faaaoga le susu pauta, e moomia le susu pauta ma le suavai mamā ma meaai e fafaga ai faapea foi ma le faamamā o fagu susu ma mea e faaaoga e pepe i vaitaimi o faalavelave faafuasei. O lona uiga e tatau na tapena lelei mo tulaga e motusia ai le suavai ma le eletise.

E maua i le upegatafailagi a le Matagaluega o Soifua Maloloina nisi faamatalaga i auala e nofo sauni ai ma taulimaina ai faalavelave faafuasei a o faia le tausiga mo se pepe mai le 0-12 masina le matua.

Tatala le itulau 'emergency feeding' i le [health.govt.nz](https://www.health.govt.nz) mo nisi faamatalaga.





@earthquakecommission



@EQCNZ

www.eqc.govt.nz/be-prepared